

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՍՈՑԻԱԼ-ՔԱՂԱՔԱԿԱՆ ԿԱՑՈՒԹՅՈՒՆԸ
(1990—1993 թթ.)

Ռ. Լ. ԱՁԻԶՔԵԿՅԱՆ

1990 թ. հոգոստոսի 23-ին Հայաստանի նորընտիր Գերագույն խորհրդի առաջին նստաշրջանն ընդունեց «Հռչակագիր Հայաստանի անկախության մասին», որով հանրապետության խորհրդարանը հռչակեց անկախ պետականության հաստատման գործընթացի սկիզբը¹։ Հռչակագրի ուղղումն առնելով ժողովրդի կյանքում պատմական նոր ժամանակաշրջանի սկիզբը դրվեց։ Սկսվեց ծանր փորձությունների ու անասելի դժվարությունների մի շարք փուլ՝ կապված հալոց անկախ պետականության կայացման գործընթացի հետ։ Խնդիր, որ ծառայած էր նախկին ԽՍՀՄ-ի բոլոր հանրապետությունների առջև, իսկ Հայաստանում այն անհամեմատ ավելի էր բարդանում առկա զոտոտ։ Բազմա-հազար փախստականների առկայության և լեռնային Ղարաբաղի հիմնահար-ցի առնչությամբ։

1990—1993 թթ. ընթացքում Արցախում պատերազմը դնալով լայն ծա-վալներ ու դաժան բնույթ էր ընդունում, որը, բնականաբար, մեծ չափով անդ-րադառնում էր Հայաստանի Հանրապետության սոցիալ-քաղաքական կացու-թյան վրա։ Ե՛ւ ավելի էր սաստկանում նրա տնտեսական շրջափակումը, որին Ադրբեյջանի հետ մեկտեղ, 1990-ական թվականների սկզբներից, ակտիվորեն մասնակցում էր նաև Թուրքիան։ Վերջինս արգելել էր իր տարածքով նույ-նիսկ մարդասիրական օգնության փոխադրումը Հայաստան, որն աշտաքին աշխարհի հետ հիմնականում կապված էր միայն Վրաստանի տարածքով անց-նող ճանապարհներով։ Սակայն Վրաստանում տիրող անկայուն քաղաքական իրավիճակի հետևանքով դրանք մեծ խափանումներով էին գործում։ Վրաս-տանում հաճախ թալանվում էին Հայաստանի հասցեայոված ուղեբեռները, սլաթեցվում երկաթգծերն ու կամուրջները։

Հանրապետության կենսագործունեությանը հատկապես խոչընդոտում էր էներգետիկ ճգնաժամը։ Այն ավելի էր խորանում Թուրքմենստանից եկող գա-ղատարի հաճախակի պայթեցումների հետևանքով։ Որոնք կատարվում էին Վրաստանի՝ հիմնականում ադրբեյջանցիներով բնակեցված Մառնեուլի շրջա-նում։ Հայաստանի արդյունաբերական ձեռնարկությունները մշտապես էլեկ-տրաէներգիայի խիստ քաղց էին զգում և չէին կարողանում դործել լրիվ հզո-րությամբ։ Դրա հետևանքով 1993 թ. արդյունաբերական արտադրության ծա-վալը կազմեց 1987 թ. մակարդակի միայն 1/6-ը²։ Հանրապետության տնտե-սության մյուս ճյուղերը ևս ըստ էության գտնվում էին կաթվածահար վիճա-կում։ Նույնիսկ խստաշունչ ձմռան պայմաններում Հայաստանի դրոշմ ողջ բնակչությունը շուտ էր հրեք տարի զրկված էր էլեկտրաէներգիայից և ջեռուցու-մից։ էներգետիկ ճգնաժամի խորացումն անհնար էր կասեցնել բերովի հումքի վրա հորժող ԶԷԿ-երի և հիմնականում Սևանա լճի ջրային պաշարների հաշ-վին աշխատող ԶԷԿ-երի միջոցով, որոնց հզորությունները մի կերպ բավարա-րում էին կյանքի նվազագույն պահանջները։ Միայն 1993 թ. Սևանա լճից էներգետիկ նպատակներով օգտագործվեց շուրջ 1 մլրդ 643 մլն. խ. մ. ջուր, որի հետևանքով լճի մակարդակը 1992 թ. համեմատությամբ նվազեց 33 սմ-ով³։ Հետագայում Սևանից ջրի բացթողումը նման ինտենսիվությամբ շա-

1 Հայաստանի Հանրապետություն, 23. VIII. 1991։

2 Երկիր, 4. II. 1994։

3 Նույն տեղում, 11. II. 1994, Երևան, 8. II. 1994։

րունակելու դեպքում, լուրջ սպառնալիքի տակ կղրվի լճի գոյատևման հարցը: Հանրապետության էկոլոգիական իրավիճակը խիստ սրվեց նաև աղետալի չափերի հասնող զանգվածային ծառահատումների հետևանքով: Բնակչության որոշ մասը նման ապօրինի ճահապարհով փորձում էր ձմեռվա վառելիք ձեռք բերել, քանի որ, ընայած ամենամյա խոստումներին, պետության կողմից այդ խնդիրը օբյեկտիվ և սուբյեկտիվ պատճառներով հիմնականում չէր լուծվում:

Վառելիքաէներգետիկ ծանր իրավիճակը չէր թեթևացնում նաև այլ երկրների կողմից որպես մարդասիրական օգնություն տրամադրվող սահմանափակ քանակությամբ վառելանյութի ներկրումը: 1990-ական թվականների սկզբներին Հայաստանում բնակչության մեկ շնչի հաշվով էլեկտրաէներգիայի սպառման մակարդակը տարեկան կազմում էր 300 կվտ/ժամ՝ 1980-ականների 5000 կվտ/ժամի դիմաց⁴: Ելնելով ստեղծված իրադրությունից, արդեն 1991 թ. վերջերին Հայաստանի Հանրապետության կառավարությունը ստիպված էր անդրադառնալու 1989 թ. փակված Հայկական ԱէԿ-ի վերագործարկման հնարավորությունների խնդրին. որոշվեց 1994 թ. վերջերից այն վերագործարկել, որը կապված էր ֆինանսատեխնիկական լուրջ հիմնահարցերի հետ:

Տնտեսության նման կացությունը հանգեցրեց հանրապետության ազգային եկամտի խիստ կրճատման: 1993 թ. այն 1991 թ. համեմատությամբ նվազեց 60—65 %-ով և կազմեց 1987 թ. մակարդակի միայն 10—15 %-ը⁵: Մի խոսքով, քննվող ժամանակաշրջանում Հայաստանի Հանրապետությունը գտնվում էր խոր սոցիալ-տնտեսական ճգնաժամի մեջ, որը բացի օբյեկտիվ պատճառներից, պայմանավորված էր սուբյեկտիվ գործոններով: Դրանց մեծ մասը դրսևորվեց դեռևս 1980-ական թվականների վերջերին, երբ հանրապետությունում ծավալված ազգային-ժողովրդավարական շարժման ղեկավարներն առաջնորդվելով քաղաքական նկատառումներով, կամա թե ակամա, փաստորեն, նպաստեցին տնտեսական ճգնաժամի հետագա խորացմանը: Նրանց կողմից մասնավորապես միակողմանի ու անհեռատես մոտեցում ցուցաբերվեց կենսոլորտը աղտոտող արդյունաբերական ձեռնարկությունների փակման խնդրում: Խոսքն առաջին հերթին վերաբերում է «Նաիրիտ» գիտաարտադրական միավորմանը, որը 1989 թ. դեկտեմբերին փակվեց: Անշուշտ, կենսոլորտի մաքրության ապահովման տեսանկյունից այն դրական նշանակություն ուներ, սակայն հանրապետության տնտեսությունն ընկավ արտակարգ ծանր կացության մեջ: «Նաիրիտը» ոչ միայն միջազգային շուկայում մեծ պահանջարկ վայելող թանկարժեք քլորոպրենային կաուչուկ արտադրող ԽՍՀՄ միակ ձեռնարկությունն էր, այլև հումքի մատակարարման յուրահատուկ էպիկենտրոն, որի շնորհիվ գործում էին հանրապետության շուրջ 350 ձեռնարկություններ⁶: Ուստի նրա փակման հետևանքով Հայաստանը միլիարդների տնտեսական վնաս կրեց: Միևնույն ժամանակ «Նաիրիտի» փակումը հանգեցրեց ծայրահեղ լարված սոցիալական իրավիճակի՝ կապված այդ միավորման և դրա գործունեությունից կախված ձեռնարկությունների աշխատակիցներին աշխատանքով, կենսաթոշակով, բնակարանով ապահովելու պրոբլեմի հետ: Այս ամենը հարկադրեց հանրապետության նոր իշխանություններին՝ արդեն 1991 թ. կեսերին վերաբացել «Նաիրիտը»: Սակայն այն մինչ այժմ էլ չի գործում իր ողջ հզորությամբ:

Ինքնին պարզ է, որ ժամանակին պետք էր ոչ թե փակել «Նաիրիտը», այլ կատարելագործել ու վերակառուցել նրա հնացած տեխնոլոգիան, ինչը կնպաստեր վնասակար արտանետումները թուլատրելի աստիճանին հասցնելուն: Նման մոտեցում կարող էր ցուցաբերվել նաև Ալավերդու լեռնամետա-

⁴ Ազգ, 10. II. 1994:

⁵ Ծրկիր, 4. II. 1994:

⁶ Коммунист, 9. I. 1990.

լուրգիական կոմբինատի և Վանաձորի քիմիական գործարանի հանդեպ: Վերջիններիս փակումը թեև նպաստեց հանրապետության էկոլոգիական իրավիճակի բարելավմանը, սակայն լուրջ հարված հասցրեց նրա տնտեսությանը, քանի որ այդ ձեռնարկությունները ԱՊՀ-ի և աշխարհի այլ երկրների հետ Հայաստանի տնտեսական կապերի զարգացման ու ամրապնդման բնագավառում էական կշիռ ունեին:

Հանրապետության տնտեսության շոշափելի հարված հասցրեցին նաև Ղարաբաղյան պարթման Հայաստանի կոմիտեի կազմակերպած նրկարատես համազգային գործադուլները (1988—1989 թթ.): Վերջիններս, հետապնդելով քաղաքական նպատակներ, լուրջ սպառնալիք դարձան առաջին հիմքին սեփական ժողովրդական տնտեսության քայքայման և մյուս կողմից՝ Միության տարբեր շրջանների հետ տնտեսական կապերի և համագործակցության խզման համար: Հայաստանը մյուս հանրապետությունների (նեպոլիտան տնտեսականությունների) և տնտեսական շրջանների համար դարձավ ոչ հուսալի գործընկեր, որպիսին պետք է փոխարինվեր այլ գործընկերներով:

Ինչպես նշված, այնպես էլ նմանօրինակ այլ գործընկերները հասանելի են Հայաստանի տնտեսական մեկուսացմանը և ճգնաժամի խորացմանը:

Ստեղծված իրավիճակը մեղմացնելու և փլուզվող տնտեսությունը վերականգնանցնելու նպատակով 1990-ականի սկզբներին Հայաստանի Հանրապետության իշխանությունները ձեռնամուխ եղան տնտեսական լայն բարեփոխումների իրագործմանը: Սկսվեց շուկայական հարաբերությունների առկայության գործընթացը: Քննվող ժամանակաշրջանում հետևողականորեն իրականացվում էին ժողովրդական տնտեսության գրեթե բոլոր բնագավառներին ձեռնարկությունների որոշ մասի ապապետականացմանն ու սեփականաշնորհմանը նպատակաուղղված միջոցառումներ: Անշուշտ, իշխանություններն այդ քայլին դիմեցին կյանքի թելադրանքով, սակայն նրանք փաստորեն ճիշտ շահահատեցին հանրապետության տնտեսության իրական հնարավորություններն ու առանձնահատկությունները, հաշվի չառան պատերազմական իրադրությունը, որը, թերևս, պահանջում էր ոչ թե սեփականաշնորհման ծավալում, այլ տնտեսության համակենտրոնացում: Հիմնականում առաջնորդվելով արտաբանական մի շարք իրկերների շուկայական հարաբերությունների մոդելը Հայաստանում շուտափույթ կիրառելու ձգտումով, իշխանությունների կողմից ըստ էության շմշակվեց հանրապետության սոցիալ-տնտեսական զարգացման հիմնավոր ու հստակ ծրագիր: Մինչդեռ, ինչպես համաշխարհային փորձն է վկայում, անցումը շուկայական հարաբերություններին բավականին երկար ու բարդ գործընթաց է, որը պահանջում է տասնյակ տարիներն պետական կարգավորման համակիր ծրագրի իրականացում: Հայաստանի համար այդ ճանապարհն ավելի դժվար էր, քանի որ այստեղ, ինչպես և հայտնի է ՍՄՀ-ի բոլոր հանրապետություններում, արտադրության համատարած սեփականացման ու կենտրոնացման հետևանքով պարզ ապրանքային արտադրությունը և դրա հետ կապված հարաբերությունների միջավայրը վատագույնագույնացված էին: Տարիներ շարունակ բացառվել էին շուկայական հարաբերություններին յուրահատուկ բոլոր ձևերը, որոնց աստիճանական և լիարժեք կազմավորման պայմաններում միայն հնարավոր կլիներ անցնել շուկայական տնտեսությանը: Փաստորեն, տնտեսության այսպիսի տարբեր հիմքերն իրականում անհնար էր արագորեն համատեղել: Ուստի, բնական էր, որ նման չհիմնավորված ծրագրի իրականացմանը նպատակաուղղված ուռաշին իսկ քայլերն էլ ավելի խորացրին սոցիալ-տնտեսական ճգնաժամը: Դա հստակապես ակնառու դրսևորվեց հողի գրեթե համատարած սեփականաշնորհման ընթացքում: 1991 թ. սկզբներին Հայաստանը ՍՄՀ նախկին սուբյեկտների շարքում առաջինը ձեռնամուխ եղավ այդ քայլին: Հողը տրվեց նրա մշակին՝ գյուղացուն: Սակայն իր էությունը առաջադիմական այդ ձեռնարկում իրականացվեց ոչ լավ նախապատրաստված և հալածապոռնի և հետևանք դրա, գրեթե լիովին քայքայվեց հանրապետության ագրարոլուսաբերական համալիրը: Կրճատվեցին ցանքատարածությունները, պակասեց անասնապահությանը, կազմալուծվեցին մեքենատրակտորային հավաքակազմակերպությունները, անաս-

նապաստան և թռչնաբուծական համալիրները, Հողատեր գյուղացին առանց գյուղատնտեսական տեխնիկայի, նյութատեխնիկական մատակարարման, ագրոտեխնիկական և այլ անհրաժեշտ ծառայությունների համակարգի հայտնվեց իրիստ ծանր վիճակում: Նվազեց գյուղատնտեսական մթերքների արտադրությունը և կտրուկ աճեցին դրանց գները: Գրեթե նման իրավիճակում էր հայտնվել նաև արդյունաբերությունը: Պետական հովանավորությունից զրկվելով, արդյունաբերական փոքր ու միջին ձեռնարկությունները փաստորեն չէին գործում, լիակատար փլուզման եզրին էր կանգնած ռադմարտային նարկարական համալիրը: 1992 թ. արդյունաբերական արտադրանքի արտադրության ծավալը կաղմել էր նախորդ տարվա միայն 47,6 %-ը: Հիշյալ թվականի վերջին արդյունաբերության արտադրանքի ծավալով Հայաստանը իջել էր 1971 թ. մակարդակին⁸, Դրան հակառակ, քննվող ժամանակաշրջանում դաշտան մասնավոր ձեռնարկությունների, ընկերությունների ու ֆիրմաների սնվան տակ սկսեցին կազմավորվել նորանոր մաֆիական խմբավորումներ, որոնց նպատակը ոչ այնքան տնտեսության զարգացումն ու մրցակցային առողջ պայքարն էր, որքան արհեստական ճանապարհով գների բարձրացումն ու պետական սեփականության յուրացումը: Դեֆիցիտային էկոնոմիկայի պայմաններում նման երևույթների զարգացումը հանգեցրեց աշխատավորական լայն զանգվածների (որոնք այդպես էլ չէին կարողանում հասկանալ, թե հանրապետությունը դեպի ինչ հասարակարգ է դնում) սոցիալական պաշտպանվածությունից երաշխիքների աստիճանական վերացմանն ու նորանց կենսամակարդակի անկմանը: Մինչդեռ շուկայական հարաբերությունների անցումը նախ և առաջ պահանջում է պետական կարգավորման համապատասխան համակարգ, որով պետությունը ամբողջ ժողովրդի և ոչ թե նրա շատ փոքր խմբերի շահերից ելնելով պետք է լուծի կենսական նշանակության հիմնահարցերը: Պետությունը պետք է ոչ միայն կարգավորի, այլև կառավարի անցման հետ կապված բոլոր գործընթացները: Տնտեսական քաղաքականության մեջ շուկան նպատակ չէ, այլ հասարակական կյանքի բարելավման, ժողովրդի բարեկեցության բարձրացման միջոց: Հետևապես, շուկայական հարաբերությունների անցումը պետք է կատարվի բարեկեցության բարձրացման և ոչ թե կենսապայմանների վատթարացման ճանապարհով, ինչը տեղի էր ունենում Հայաստանում: Իշխանությունների հատարարությունները տնտեսության զարգացման, գների կայունացման և բնակչության կենսամակարդակի սպասվող բարձրացման վերաբերյալ այդպես էլ մնում էին սոսկ որպես խոսքեր: Տրնախական անկման պայմաններում հաճախակի փոխվում էին կառավարությունները (1990—1993 թթ. ընթացքում հանրապետությունում փոխվեցին չորս վարչապետներ), իսկ շոշափելի տեղաշարժեր գրեթե չէին նշմարվում: Ավելին, շարունակվում էր անկառավարելի շուկայական հարաբերությունների ծավալումը, որի հետևանքով գներն աննախագիշտ աճում էին: 1993 թ. սպառողական գների աճի տեմպերը Հայաստանում 130 %-ով գերազանցում էին միջին աշխատավարձի աճը⁹: Սոցիալական ապահովության երաշխիքների դրեթե լիակատար բացակայությունը հանգեցրել էր ընչազուրկների շարքերի զանգվածային ստվարացմանը: Տարեցտարի մեծանում էր գործազուրկների թվաքանակը: 1993 թ. վերջին հանրապետությունում պաշտոնապես գրանցված էր 110,2 հազ. գործազուրկ¹⁰: Հատկապես ծանր էր վիճակը աղետի դոտում: Վերջինիս վերականգնման պետական ծրագրի բացակայության հետևանքով աշխտեղ վերականգնողական աշխատանքների վիճակը հեռու էր բավարար լինելուց: Աղետի գոտում, որտեղ 1993 թ. ապրում էր հանրապետության բնակչության 25,2 %-ը¹¹, վերականգնված ձեռնարկությունների սակավության և

7 Մեր խոսքը, 29. IV. 1993:

8 Նույն տեղում:

9 Աղ, 25. I. 1994:

10 Երկիր, 12. II. 1994:

11 Նույն տեղում:

տութիւնը թևակոխեց դերարժեղրկման, հետևաբար և սոցիալ-տնտեսական ճգնաժամի առավել խորացման մի նոր փուլ:

Բնական ժամանակաշրջանում զգալի փոփոխութիւններ կատարվեցին նաև Հանրապետության ներքաղաքական կյանքում: Իշխանութիւնները որոշակի ջոկանքներ Զեռնարկեցին հասարակական կյանքի ժողովրդավարացման ուղղութիւնում: Այս առումով կարևոր նշանակութիւն ունեն 1991 թ. փետրվարի 26-ին խորհրդարանի բնութագրած «Հասարակական-քաղաքական կազմակերպութիւնների մասին» օրենքը¹⁷, որով, հաստատոեն, հանրապետութիւնում ստեղծվեց բաղմակուսակցական համակարգ: Վերջինիս շնորհիվ երկարամյա ընդմիջումից հետո, վերստին հայրենիքում ազատորեն գործելու իրավունք ստացան ազգային աղանդական Սոցիալ-դեմոկրատ շնչական, Հայ Հեղափոխական Դաշնակցութիւն, և Սամկավար Ազատական կուսակցութիւնները: Հանրապետութիւնում գրանցվեցին նաև այլ կուսակցութիւններ, որոնց թիվը 1993 թ. վերջին հասնում էր 32-ի¹⁸: Նրանց բոլորին իրավունք տրվեց օրենքի սահմաններում ազատորեն արտահայտելու իրենց տեսակետները:

Շուտով խորհրդարանում ձևավորվեցին տարբեր կուսակցական պատկանավորական խմբակցութիւններ: Սակայն վերջիններս մեծ մասամբ համալրվում էին ժամանակին ՀՀԾ-ն ու կոմկուսը ներկայացնող պատգամավորներով: Փաստորեն, 1990 թ. մայիսին կայացած ընտրութիւնների արդունքներով հիմնականում վերը նշված երկու կուսակցութիւնների ներկայացուցիչներից կազմված խորհրդարանը ինքնաբերաբար վերածվեց բաղմակուսակցականի: Ուստի, արդեն իսկ 1992—1993 թթ. ակնհայտ էր դարձել նոր խորհրդարանական, բաղմակուսակցական ընտրութիւնների անհրաժեշտութիւնը: Մանավանդ, որ այդ մասին դեռևս 1990 թ. ընտրարշավի ժամանակ բազմիցս հայտարարել էին պատգամավորութիւն թեկնածուների մեծ մասը: Սակայն ընտրութիւնների վերաբերյալ նոր օրենքի բացակայութիւնը ոչ միայն անհնար էր դարձնում դրա իրագործումը, այլև թույլ չէր տալիս ընտրողներին նույնիսկ հետ կանչելու իրենց չարդարացրած կամ էլ վարկաբեկված պատգամավորներին: Այդուհանդերձ, քննվող ժամանակաշրջանում Հայաստանի Գերագույն խորհուրդը որոշակի աշխատանք կատարեց հանրապետության տնտեսական հարաբերութիւնների կարգավորմանը, սոցիալական իրավիճակի բարելավմանն ու պետականության ամրապնդմանը նպատակաուղղված օրենքների ու որոշումների մշակման և ընդունման ասպարեզում: Դրանցից կարևորները մեկը 1991 թ. մարտի 1-ի որոշումն էր՝ հսձՄ կազմից դուրս անկախ պետութիւն ստեղծելու վերաբերյալ նույն թվականի սեպտեմբերի 21-ին հանրաքվե անցկացնելու մասին¹⁹: Հայաստանի Հանրապետութիւնը մինչև հանրաքվեի այդպես էլ չմասնակցեց Միութենական նոր պայմանագրի մշակման աշխատանքներին, ինչը նախկին հսձՄ-ի կենտրոնական իշխանութիւններին առիթ տվեց սաստկացնելու բռնութիւնները Ղարաբաղում (1991 թ. ապրիլ-հունիս ամիսների ընթացքում նրանց ռազմական աջակցութեամբ ադրբեջանցիները գրավեցին ու լիովին հայաթափեցին Գետաշենը, Մարտունաշենն ու Արցախի մի շարք այլ գյուղեր) և չհայտարարված տնտեսական պատժամիջոցների կիրառումը Հայաստանի նկատմամբ (հատկացվող նյութական, տեխնիկական, ֆինանսական ֆոնդերի խիստ կրճատում, շրջափակման ու թեղադրման նպատակով և այլն): Այս առումով նշենք, որ այդ ժամանակ արդեն թերևս ակնհայտ էր, որ հսձՄ կայսերապետութիւնը դատապարտված էր փլուզման և վերափոխման, իսկ Հայաստանը յուրահատուկ պատճառներ ուներ (ամենակարևորը՝ Լեռնային Ղարաբաղի հիմնահարցը) չսրելու հարաբերութիւնները կենտրոնի հետ: Մանավանդ, որ միջազգային ճնշման պայմաններում հանրապետութիւնը լուրջ հնարավորութիւններ ուներ ամրապնդելու պետական անկախացման սեփական կովանները: Մինչդեռ Հայաստանի

17 Հայաստանի Հանրապետութիւն, 20. VII. 1991:

18 Տվյալը վերցված է ՀՀ արդարադատութիւն նախարարութիւնից:

19 Երեկոյան Երևան, 5. III. 1991:

իշխանությունների որդեգրած՝ կենտրոնի հետ թեկուզև «դեմոկրատական» առճակատման խորացման քաղաքականությունը և խորհրդային կայսրության փլուզման գործընթացում առաջամարտիկ լինելու ձգտումը լուրջ հետևանքներ ունեցան հայ ժողովրդի համար։ Նախկին Միության հանրապետություններից և ոչ մեկը չնվաճեց իր անկախությունը համառ պայքարում, այլ այն պատահաբեկ նրանց տրվեց ստեղծված միջազգային քաղաքական իրադրության հետևանքով։ Այդ հանրապետությունների մեծ մասը, ի տարբերություն Հայաստանի, անկախացավ համեմատաբար ավելի քիչ կոռուպցիայի գնով։

1991 թ. սեպտեմբերի 21-ին Հայաստանի բնակչության մեծամասնությունը՝ շուրջ 2 մլն 43 հազ. մարդ (քվեարկության իրավունք ունեցողների 94.39 տոկոսը), ապոռա առաջ անկախությանը²³։ Նույն թվականի սեպտեմբերի 23-ին Հայաստանի Հանրապետության Գերագույն խորհուրդը Հայաստանը հռչակեց անկախ պետություն²⁴։

1991 թ. հոկտեմբերի 16-ին Հայաստանում առաջին անգամ անցկացվեցին նախագահական համաժողովրդական ընտրություններ։ Հանրապետության նախագահ ընտրվեց Լևոն Տեր-Պետրոսյանը²⁵։ Շուտով խորհրդարանը իր իրավասությունների մի մասը հանձնեց նախագահին և հանրապետությունում ձևավորվեց նախագահական կառավարման համակարգ։ Վերջինիս ամրապնդմանը զուգընթաց աստիճանաբար կազմավորվում էր նաև ընդդիմությունը, որի մեջ մտնում էին Հայ Հեղափոխական Դաշնակցություն, Ռամկավար Ազատական, Դեմոկրատական, Հանրապետական, Ազգային Ինքնիշխանություն, Ազգային Ժողովրդավարական միություն և այլ կուսակցություններ։ Ընդդիմությունը շատ հարցերում միաձուլվել էր, սակայն հետզհետե խորացնում էին տարաձայնությունները նրա և իշխանությունների միջև։ Դրանից բխեց նահանգականը՝ 1991 թ. սեպտեմբերի 2-ին իրեն անկախ հռչակած Լեռնային Ղարաբաղի Հանրապետության ճանաչման հարցն էր²⁶։ Ընդդիմությունը պահանջում էր, որպեսզի Հայաստանի Հանրապետությունը պաշտոնապես ճանաչի ԼՂՀ-ն, որն ըստ նրա կնախատեր մերջինիս միջազգային ճանաչմանը։ Մինչդեռ իշխանությունները, զգուշանալով հայ-ադրբեջանական հակամարտության հետագա խորացումից և Հայաստանի պատերազմի մեջ ներքաշվելուց, հրաժարվում էին դրանից։

Գնալով ուժեղանում էր ընդդիմության դժգոհությունը նաև իշխանությունների վարած սոցիալ-տնտեսական ու հատկապես կադրային քաղաքականությունից։ Այն ավելի ու ավելի վճռականորեն էր պահանջում իշխանությունների հրաժարականն ու ազգային համաձայնության (բազմակուսակցական) կուսակառուցության ստեղծում։ Մեկայն իշխանությունները ոչ միայն մերժում էին այդ պահանջը, այլև հետևողականորեն շարունակում պետական գրեթե բոլոր կարևոր պաշտոններում նշանակել հիմնականում ՀՀԾ-ի ներկայացուցիչներին, որոնցից շատերը չունեին համապատասխան մասնագիտական որակավորում։ Ըստ էության, Հայաստանում աստիճանաբար ուղղվածվում էր նախկինի նման՝ միակուսակցական իշխանության հաստատման միտումը։ Այս ամենն առաջացնում էր ժողովրդի մեծ մասի խոր հիասթափությունն ու նրա մեջ սերմանում անտարբերություն քաղաքական շարժումների նկատմամբ։ Ըստ ՀՀ ԳԱԱ սոցիոլոգիական հետազոտությունների կենտրոնի՝ 1993 թ. դեկտեմբերի ամսին Երևանում անցկացրած հարցման արդյունքների՝ մայրաքաղաքի բնակչության միայն 3 %-ն էր համակրում իշխող քաղաքական կազմակերպությանը՝ ՀՀԾ-ին, իսկ կոմունիստական կուսակցությանը՝ 13,7, Հայ Հեղափոխական Դաշնակցությանը՝ 11,3, Ազգային Ինքնորոշում միավորմանը՝ 3, Ռամկավար Ազատական կուսակցությանը՝ 2, Դեմոկրատական կուսակցու-

23 Հայաստանի Հանրապետություն, 24. IX. 1991:

24 Նույն տեղում:

25 Նույն տեղում, 12. XI. 1991:

26 Նույն տեղում, 3. IX. 1991:

թւանք՝ 1,7 %-ը²⁴։ Ուշագրավ է, որ հարցման մասնակիցների մոտ կեսը (48,3 %-ը) չէր համակրում և ոչ մի կուսակցության, իսկ 15 %-ը դժվարացել էր պատասխանել այդ հարցին²⁵։

Հայաստանի տնտեսական իրավիճակի կայունացման և քաղաքական ու սոցիալական լարվածության մեղմացման կարևորագույն գործադիր կարող էր դառնալ հանրապետության Հիմնական օրենքի (Սահմանադրության) ընդունումը։ 1992—1993 թթ. ընթացքում որոշակի աշխատանք էատարվեց այդ ուղղությամբ։ Ստեղծվեց Գերագույն խորհրդի սահմանադրական հանձնաժողով՝ հանրապետության նախագահի գլխավորությամբ, որը 1993 թ. վերջերին համաժողովրդական քննարկման ներկայացրեց Հիմնական օրենքի նախաշխմբ։ Վերջինիս հիմքում ընկած էր ուժեղ նախադասական հանրապետության բաղադրար։ Սահմանադրության ընդունման հարցը զբաղիորհն աշխուժացրեց Հայաստանի ներքաղաքական կյանքը։ Հասարակական-քաղաքական կազմակերպությունները թեև տարբեր, հաճախ նույնիսկ իրարամերժ դիրքորոշում ունեին դրա ընդունման կարգի և մշակման սկզբունքների նկատմամբ, սակայն մեծ եռանդով ձեռնամուխ եղան Հիմնական օրենքի իրենց տարբերակների ստեղծմանը։ Կատարյալ, ազդային, ժողովրդավարական Սահմանադրության գաղափարի շուրջ համախմբվելով, վեց ընդդիմադիր կուսակցություններ (ՀԱԺԿ, ՀՀԿ, ՀՀԴ, ՀԴԿ, ՀՌԱԿ և ՍԻՄ) կազմեցին Քաղաքացիական համաձայնության Սահմանադրության խորհուրդ։ Վերջինս բնականորեն այդ կուսակցությունների մտակառույցները, մշակեց հանրապետության Հիմնական օրենքի միասնական նախագիծ, որտեղ գերշխում է խորհրդարանական հանրապետության գաղափարը։

Այսպիսով, Սահմանադրության հարցում հասարակության մեջ գոյություն ունեին լուրջ տարակարծություններ, որոնց հետևանքով ձգձգվում էր նրա ընդունումը և հանրապետության տնտեսական ու քաղաքական կյանքը շարունակվում էր կառավարվել հիմնականում հրամանադրերի ու կարգադրությունների միջոցով։

1991 թ. դեկտեմբերին ԽՍՀՄ-ի փլուզումով և ԱՊՀ-ի ստեղծումով (նախկին միութենական հանրապետություններից առաջինը Հայաստանը հայտարարեց նրան միանալու իր պատրաստակամության մասին) սկսվեց Հայաստանի Հանրապետության համընդհանուր միջազգային ճանաչումը։ 1992 թ. մարտի 2-ին այն դարձավ ՄԱԿ-ի լիիրավ անդամ։ Արդեն 1993 թ. վերջին Հայաստանը դժամոտիտական հարաբերություններ էր հաստատել աշխարհի 89 երկրների հետ²⁶։ Այս ամենը նպաստեց Լեռնային Ղարաբաղի հիմնահարցը միջազգային հանրության և հեղինակավոր կազմակերպությունների քննարկման առարկա դարձնելուն։ Այդ քննարկումների ընթացքում Հայաստանի Հանրապետության կողմից առաջնային պլան էին մղվում ԼՂՀ-ն որպես հակամարտության կողմ ճանաչելու (Ադրբեյջանը դա չէր ընդունում և փորձում էր արցախյան պատերազմը ներկայացնել որպես հակամարտություն իր և Հայաստանի միջև), ռազմական գործողությունների գոտում երկարաժամկետ դինադարար հաստատելու, խաղաղարար բանակցություններ սկսելու, ԼՂՀ-ի ու Հայաստանի շրջափակումը վերադնելու հարցերը։ Եվ միայն դրանք իրագործելուց հետո պետք է քննարկվեր Լեռնային Ղարաբաղի քաղաքական կարգավիճակի խնդիրը։ Սակայն Ադրբեյջանը հետևողականորեն մերժում էր այդ պահանջները և համառորեն փորձում արցախյան հիմնահարցը լուծել ուժի դիրքերից։

Ձգուշանալով դարաբաղյան հակամարտության միջազգայնացումից, 1992 թ. մարտի 24-ին ԵԱՀԽ-ի ընդունեց որոշում, ըստ որի Լեռնային Ղարաբաղի կարգավիճակը պետք է քննարկվի Մինսկում կազմակերպվելիք խորհրդարանական ժողովում։ Մինչ այդ հակամարտող կողմերին առաջարկվեցին զինա-

²⁴ Երկիր, 5. II. 1994։

²⁵ Նույն աղբյուր։

²⁶ Տվյալը վերցված է ՀՀ արտաքին գործերի նախարարությունից։

դադարի հաստատման մի քանի ծրագրեր՝ ժամանակացույցեր: Թեև վերջիններս պարունակում էին հայկական կողմի համար մի շարք անընդունելի դրույթներ, որոնցից ամենահիմնականները՝ Լեռնային Ղարաբաղը Ադրբեջանի տարածք և Հայաստանը հակամարտող կողմ համարելն էր, այդուհանդերձ, դրանց մեծ մասը Հայաստանի Հանրապետության և ԼՂՀ-ի կողմից ընդունվեց: Ղարաբաղյան հակամարտության վերաբերյալ մի քանի բանաձևեր ընդունեց նաև ՄԱԿ-ի Անվտանգության խորհուրդը, որը կողմերին կոչարեց ընդունել ԵԱՀԽ-ի ժամանակացույցերը և դադարեցնել արյունահեղությունը: Սակայն Ադրբեջանի միմյանց հաջորդող իշխանություններն օգտվելով Խորհրդային բացահայտ հովանավորությունից, մերժում էին խնդրի քաղաքական մեթոդներով կարգավորմանը նպատակաուղղված ամեն մի միջնորդական փորձ և ձգտում անպայման պատերազմի մեջ ներքաշել Հայաստանի Հանրապետությանը: Հենց այդ նպատակով էլ Ադրբեջանը ընդունելով ԵԱՀԽ-ի ժամանակացույցերը, ոչ միայն խափանեց Լեռնային Ղարաբաղի ԵԱՀԽ Մինսկի խմբի ջանքերը, այլև գործնականում պաշտոնապես հայտարարեց իր կողմից ՄԱԿ-ի ԱԽ-ի բանաձևերի մերժումը: Այս ամենի հետևանքով ռազմական գործողություններն Արցախում ավելի էին սաստկանում:

Ադրբեջանցի սադրիչները իրենց ռազմական հենակետերից և օդուժի միջոցով մշտապես հրթիռահրետակոծում ու ռմբակոծում էին Արցախի բնակավայրերը, պատճառելով մեծ ավերածություններ ու մարդկային զոհեր: Նպատակ ունենալով ապահովել խաղաղ բնակչության անվտանգությունը, 1992 թ. փետրվար-մայիս ժամանակահատվածում ԼՂՀ-ի ինքնապաշտպանական ուժերը ոչնչացրեցին հակառակորդի խոշոր ռազմական հենակետերը Խոջալուում, Շուշիում, Լաչինում և դրանով իսկ ճեղքելով զրեթե հինգ տարի տևող լիակատար շրջափակման օղակը, դուրս եկան Հայաստանի Հանրապետության սահմանը: Լաչինի մարդասիրական միջանցքով սկսվեց սննդամթերքի, վառելիքային և այլ անհրաժեշտ ապրանքների առաքումը սովի և սոցիալ-տնտեսական անասելի ծանր պայմաններում ազդային-ազատագրական պայքար մղող արցախահայությանը: Սակայն 1992 թ. հունիսին ադրբեջանական բանակը մի շարք օտարերկրյա տերությունների ռազմական աջակցությամբ լայնածավալ հարձակում ձեռնարկեց Արցախի հյուսիսում, որի հետևանքով թշնամու կողմից գրավվեց ու հայաթափվեց Շահումյանի շրջանը, ինչպես նաև Մարտակերտի շրջանի մեծ մասը: Բռնազավթվեց Ղարաբաղի տարածքի 40 %-ը²⁷: Դեպքերի նման ընթացքն ինչ-որ չափով պայմանավորված էր նաև արտաքին հարաբերությունների մի շարք հարցերի նկատմամբ Հայաստանի Հանրապետության իշխանությունների սկզբնական շրջանում որդեգրած ոչ միջոց դիրքորոշմամբ: Դա բխում էր ՀՀԾ-ի դեռևս 1930-ական թվականների տեսաբանների կողմից առաջ քաշված որոշ դրույթներից: Վերջիններից թերևս ամենահիմնականը՝ հայ ժողովրդի պատմության ընթացքում ձևավորված շուրջ 300-ամյա ռուսական կողմնորոշման վերանայումն էր²⁸, Այն հիմնավորվելով սեփական ուժերին ապավինելու անհրաժեշտության ճշմարտացի գաղափարով, ենթադրում էր հարևան պետությունների հետ հավասարապես հաստատել բնականոն հարաբերություններ: Ընդ որում, առաջնային պլան էր մղվում «վերափոխված» ու «գեմեկրատական» Թուրքիայի և Հայաստանի միջև սերտ համագործակցության տարբերակը, հանուն որի նույնիսկ փորձ էր արվում զոհաբերել Հայ դատը:

Անշուշտ, անմիջական հարևանների հետ բնականոն հարաբերությունների հաստատման սկզբունքը որևէ առարկության չի կարող հանդիպել: Սակայն դա ամենևին չի նշանակում, թե այն պետք է իրականացվի ի վնաս մյուս

27. Հայաստանի Հանրապետություն, 5. II. 1994.

28. Ռ. Իշխանյան, Երրորդ ուժի բացառման օրենքը (Որն է մեր ճանապարհը, Երևան, 1990, էջ 93—115), Վաղգեն Մանուկյան, Գնացքից թռչելու ժամանակն է (նույն տեղում, էջ 7—43), Կտրիճ Սարգսյան, Որն է մեր ճանապարհը (Պատմություն և իրականություն, Երևան, 1991, էջ 114—121) և այլն:

այնատվությունների, տվյալ դեպքում Ռուսաստանի հետ ունեցած ավանդական հարաբերությունների Մանավանդ, ինչպես ցույց տվեց կյանքը, Թուրքիան ըստ էության չի փոխվել և նրա ձգտումը դեպի Թուրան, դեպի Թուրքալեզու ժողովուրդներով բնակեցված տարածքներում գերիշխանության՝ միշտ եղել է ու կմնա Ռուսի, ակնհայտ է, որ Հայաստանի Հանրապետությունը առաջին հերթին պետք է հողմնորոշվի դեպի Ռուսաստան: Վերջինիս հետ ռազմավարական դորժակցության և բարեկամության ամրապնդման լուրջ հիմք ունենք՝ մեր երկու ժողովուրդներին ու պետություններին մտահոգող պանթուրքիստական աղգայնամոլությունը դիմագրավելու հարցում: Դա բնավ էլ չի նշանակում, թե հայոց անկախ պետականության կայացումը պարզապես կախված է Ռուսաստանի հովանավորությունից: Այն երբեք չի իրականանա, եթե հայ ժողովուրդը պետականություն ունենալու իր արժանավորությունը չկարողանա երաշխավորել սեփական ուժերով: Այդ դեպքում թե՛ Ռուսաստանի և թե՛ այլ երկրների հետ դորժակցային հարաբերություններ հաստատելու ամեն մի հավակնություն ի վերջո կհանգի ձախողման: Պատմությունը վկայում է, որ անկախության ուղի ոտք դրած փոքր պետությունները սոցիալ-բար կողմնորոշվում են դեպի որևէ մեծ տերություն, նախ և առաջ հաշվի առնելով աշխարհադրական մերձակայությունը, քաղաքական, մշակութային ու հատկապես տնտեսական կապերի գերակայությունը: Այս առումով նշենք, որ 1991 թ. դրությամբ (այսինքն մինչև ԽՍՀՄ-ի փլուզումը) Հայաստանը Ռուսաստանից ներմուծում էր սև մետաղ՝ 100, գունավոր մետաղ՝ 73,5, վառելիք՝ 160, հացահատիկ, ալյուր 77,3, շաքար՝ 62 %²⁰: Նույնիսկ այժմ, երբ Հայաստանի և Ռուսաստանի տնտեսական կապերը տարբեր պատճառներով փոխորեն խթանված են, այդուհանդերձ, մեր հանրապետությունում շոշափուկորեն զգացվում են Ռուսաստանի տնտեսական կյանքի տատանումները: Վերջին ժամանակներս Հայաստանում անցկացված սոցիոլոգիական հարցումներ՝ արդյունքները վկայում են, որ Ռուսաստանը շարունակում է առաջատար տեղ զբաղեցնել այն երկրների ցանկում, որոնց հետ հայ ժողովուրդը որոշակի հույսեր է կապում: Ուստի Ռուսաստանի հետ ռազմական, քաղաքական, տնտեսական ամուր կապեր հաստատելու անհրաժեշտությունը կասկած չի կարող հարուցել, մանավանդ, որ տարածաշրջանի իրադարձությունները մեկ անգամ ևս ապացուցեին երրորդ ուժի բացառման անբացառելիությունը: Միաժամանակ, խիստ կենսունակ նշանակություն ունի նաև բարիդրացիական հարաբերությունների հաստատումը Իրանի, արաբական երկրների ու Վրաստանի հետ: Նշենք, որ հետագայում հանրապետության իշխանությունները որոշակի դրական քայլեր ձեռնարկեցին ինչպես Ռուսաստանի, այնպես էլ նշված մյուս երկրների հետ փոխշահավետ հարաբերությունների հաստատման ուղղությամբ:

Հայաստանի Հանրապետության միջազգային հեղինակության վրա բացասաբար անդրադարձավ նաև Ղարաբաղյան շարժման Հայաստանի կոմիտեի կողմից առաջ քաշված «Մենք մշտական թշնամի ու մշտական բարեկամ չունենք» դրույթը, որով կարող էին առաջնորդվել հզոր տերությունները: Առաջին հայացքից ճկուն դիվանագիտական խաղ թվացող և օտարներից փոխառնված այս թեզի ժամանակավորեպ օգտագործումը քաղաքական անհեռատեսություն էր, քանի որ դրանով իսկ հայտարարվում էր, թե Հայաստանը չի կարող հավատարիմ քաղաքական գործընկեր լինել ոչ մեկի համար: Դրա հետևանքով նույնիսկ ավանդական դաշնակիցների կողմից անվստահություն դրսևորվեց մեր հանրապետության նկատմամբ:

ՀՀԾ-ի որոշ գաղափարախոսների կողմից ժամանակին առաջ քաշվեց նաև հայ ժողովուրդի «համաշխարհային ազգ» լինելու թեզը²⁰, ըստ երևույթին, այս-

²⁰ Հայ-ռուսական և հայ-արաբական հարաբերությունները. նոյեմբերի 17—18-ը Երևանում կայացած գիտական նստաշրջանի նյութերը. Կոնստանդին Խուզալերդյանի ղեկավարությամբ, Երևան, 1992, էջ 11:

²⁰ Վ ա զ գ ե ն Մ ա ն ու կ յ ա ն, նշվ. աշխ., էջ 18, 42:

տեղ նկատի էր առնվում մեր ժողովրդի աշխարհով մեկ ցրված լիակու հանգամանքը: Բայց նման փաստերը բազմաթիվ են (հրեաներ, գերմանացիներ, չինացիներ և այլք), ուստի այս դրույթը միջազգային հանրության կողմից համալսվում է հետմեջ որպես ռասսայականության դրսևորում: Նշեմք, որ այն

գենդարմարկը նաև 1992-ի մի շարք գործընթացների կողմից: Օրոտում Հայաստանի Հանրապետության իշխանությունները հրաժարվեցին վերը նշված գրույթներից և սկսեցին վարել ավելի իրատես ու հավասարակշռված արտաքին քաղաքականություն: Այն դրականորեն անդրադարձավ նաև Եվրոպային Ղարաբաղի իրավիճակի վրա: 1992 թ. օգոստոսին ԼՂՀ-ի ռուս ապարմբեում ռազմական գրութուն մտցվեց: Ստեղծվեց Պաշտպանության պետական կոմիտե, որի ձեռքում կենտրոնացվեց ամբողջ դրսևողի իշխանությունը: Այն միջ աշխատանք ծավալեց երիտասարդ հանրապետության ուսումնական և տնտեսական բոլոր կառույցների կենտրոնացման ու կանոնավոր մարտունակ բանակի ստեղծման ուղղությամբ: 1993 թ. ընթացքում ԼՂՀ-ի բանանակը ձեռնասուխ եղավ հանրապետության զավթված տարածքների ազատագրմանն ու հակառակորդի ռազմական հենակետերի ոչնչացմանը: 1993 թ. գարնանից մինչև ձմեռը նկատվեց ժամանակահատվածում հայկական ուժերն ազատագրեցին Մարտակերտի շրջանի նվաճված տարածքների մեծ մասը, ոչնչացրեցին թշնամու խոշոր ռազմահենակետերը Ադրբեջանի Քելբաջարի, Աղդամի, Ֆիդուլու, Կուբաթլիի, Ջաբրայիլի և Ջանգեյանի շրջաններում: Այս ամենը հանգեցրեց Ադրբեջանի իշխանությունների հերթական փոփոխության: 1993 թ. ամռանը իշխանության գլուխ անցավ Ադրբեջանի կոմկուսի կենտկոմի նախկին առաջին քարտուղար, ԽՄԿԿ կենտկոմի քաղբյուրոյի նախկին անդամ Հեյդար Ալիևը, որը դեռևս ԽՍՀՄ-ի գոյատևման օրոք աչքի էր ընկնում իր ընդգծված հակահայկական գործունեությամբ: Ժամանակ շահելու միտումով, նա համաձայնվեց Ռուսաստանի միջնորդությամբ զինադադար հաստատել և նույնիսկ տպավորություն ստեղծեց, թե դեմ չէ խաղաղարար բանակցություններ սկսել ԼՂՀ-ի ղեկավարության հետ: Մինչդեռ իրականում Հ. Ալիևը իրար հաջորդող զինադադարներն օգտագործեց ոչ թե քաղաքական ճանապարհով Ղարաբաղյան հարցը լուծելու, այլ սեփական բարոյալքված բանակի մարտական ոգին բարձրացնելու, այն համալրելու ու վերականգնվողներու համար: Օգտվելով որոշ երկրների երկերեսանի քաղաքականությունից, նրանց թողտվությամբ Ադրբեջանը մեծ քանակությամբ վարձկաններ հավաքեց ու զենք հնեց կամ էլ ստացավ: Միաժամանակ, նոր թափով ծավալվեց հակահայկական քարոզչությունը, որը ադրբեջանական ժողովրդին ասրբազան պատերազմի» կոչ էր անում: Իրան գուզընթաց, Ադրբեջանը միջազգային հանրությանը ներկայանում էր իբրև անմեղ զոհ, որի տարածքները պրավել էր ռզավթիլը Հայաստանը: Ըստ էության, Ադրբեջանի իշխանությունները ոչ միայն շարունակում էին շրնդունել ԼՂՀ-ի դոյություն փաստը, այլև կրկին վերահաստատում էին Ղարաբաղյան հիմնահարցի միայն ուժի դիրքերից լուծման իրենց որդեգրած քաղաքական գիծը: Ընդ որում, իրենց իսկ սանձագերծած պատերազմի ողջ պատասխանատվությունը ադրբեջանցիները դնում էին Հայաստանի Հանրապետության վրա: Հարկ է նշել, որ քարոզչության ասպարեցում Հայաստանն ակնհայտորեն գիշում էր Ադրբեջանին:

1993 թ. գեկտեմբերի 18-ին Ադրբեջանը մերժելով կրակը դադարեցնելու ռուսական հերթական նախաձեռնությունը, սկսեց աննախադեպ լայնածավալ հարձակում Ղարաբաղյան ռազմաճակատի ողջ գծով: Արցախի հարավում հարձակման համար օգտագործվեց Իրանի տարածքը: Ադրբեջանցիների կողմում հայտնվել էին մեծ թվով նոր տանկեր և զրահամեքենաներ: Թշնամու լանակը սպառազինված էր ամենաժամանակակից ամբրիկյան, թուրքական ու չինական զինատեսակներով, ինչը վկայում էր զենքի և զինամթերքի խոշոր ներկրումների մասին՝ առն դեպքում, երբ ՄԱԿ-ի ԱՆ-ն արգելել էր սպառազինություն մատակարարել տարածաշրջան: Ադրբեջանի բանակում կոպում էր 2000 աֆղան մոջահեդ, մոտ 1000 վարձկաններ Ռուսաստանից, Ուկրաինայից և ԱՊՀ-ի այլ երկրներից, շուրջ 500 ռազմական խորհրդականներ Թուր-

քիալից¹ Սակայն շնայած այս ամենին, հայկական ուժերը ոչ միայն կարողացան կասեցնել հակառակորդի կատաղի գրոհները, այլև արժանի հակահարված տվեցին նրան ռազմաճակատի ողջ երկայնքով: Մանր մարտերի ընթացքում ինչամին մեծ կորուստներ տվեց և չկաշողացավ հասնել շոշափելի հաջողությունների: Խաղմաճակատի միջոց ըստ էության չփոխվեց: Բայց Ադրբեյջանն ապացուցեց, որ արցախահայությունը գործ ունի կազմակերպված, լավ մատակարարվող ռազմական մի ուժի հետ, որն անընդհատ թարմացվելով՝ ճնշումը պահում էր ճակատային գծի ողջ 200 կմ-անոց երկայնքով: Հարկ է նշել, որ միջազգային հանրության և տարբեր ժամանակներում իրենց խաղաղարար նախաձեռնություններով հանդես եկած բազմաթիվ միջազգային կազմակերպությունների ու երկրների լուծյան պայմաններում էր, որ Ադրբեյջանը փաստորեն հնարավորություն էր ստացել զարգացնելու ռազմական գործողություններն ինչպես Ալյոսխում, այնպես էլ Հայաստանի սահմանամերձ շրջաններում: Թեև մեր հանրապետության իշխանություններն անկերպ ձգտում էին լույս չտալ, որպեսզի Հայաստանը օտարաշխի պատերազմի մեջ, սակայն այն ըստ էության ցանցում էր պատերազմական խաղաճակում: Ադրբեյջանի ռազմական կազմավորումների կողմից մշտապես իրականացվող և բարակոծվում էին Հայաստանի Հանրապետության սահմանամերձ բնակավայրերը, որոնք հանգեցնում էին մեծ ավերածությունների ու մարդկային զոհերի: Դեռ 1992 թ. օգոստոսին, երկարատև շրջապատումից հետո նրանց հաջողվեց զավթել Ադրբեյջանի տարածքում գտնվող, սակայն Հայաստանին պատկանող Արսվաշեն գյուղը: Իրադարձություններից մեկն այն էր, որ հարկադրեց Հայաստանի Հանրապետության իշխանություններին բռնապետի իրենց կողմից առաջ քաշված՝ «մեր պաշտպանվածությունը անպաշտպանության մեջ է» թեղը և ուղարկությունը բեռնել սեփական զինված ուժերի լիարժեք կազմավորման ու ամրապնդման վրա: 1992—1993 թթ. ընթացքում այս ուղղությամբ զգալի աշխատանք կատարվեց և ստեղծվեց ազգային մարտունակ բանակ:

Այսպիսով, 1990-ական թվականների սկզբներին հայ ժողովուրդը սեփական ժանր ու դժվարին սոցիալ-քաղաքական պայմաններում կենտրոնացավ պետականությունը: Ինչպես զրկանքները, տառապանքներն ու կորուստները առաջադրվում ու մտնում էին հանուն իր պետականության ամրապնդման, հանուն կենսային Պարաբաղի հիմնահարցի արդարացի լուծման:

СОЦИАЛЬНО-ПОЛИТИЧЕСКОЕ ПОЛОЖЕНИЕ РЕСПУБЛИКИ АРМЕНИЯ (1990—1993 гг.)

Р. Л. АЗИЗБЕКЯН

Резюме

23 августа 1990 г. принятием «Декларации о независимости Армении» новоизбранный Верховный Совет республики возвестил о начале процесса становления независимой государственности. В жизни армянского народа начался новый исторический этап. 1990—1993 гг. явились периодом новых тяжелых испытаний и трудностей. Война в Нагорном Карабахе приобрела более широкие масштабы и ожесточенный характер, что, естественно, в большой степени сказывалось на социально-политическом положении Армении. Еще более усилилась ее блокада. Углубился энергетический кризис. Резко снизился уровень жизни населения.

В рассматриваемый период происходили ощутимые сдвиги во внутриполитической жизни республики. Активизировалась деятельность различных партий, большинство которых стали оппозиционными.

С декабря 1991 г. начался процесс международного признания Республики Армения. В результате проблема Нагорного Карабаха постепенно стала предметом обсуждения авторитетных международных организаций, что не дало ощутимых результатов и не привело к миру в Аргаше.

Таким образом, в 1990—1993 гг. Республика Армения находилась в глубоком социально-политическом кризисе, который, кроме объективных причин, был обусловлен также субъективными факторами.